



Broj: 12-27-11333-6/19
Zenica, 10.09.2019. godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12-27-11333-5/19, od 05.09.2019. godine, u otvorenom postupku javne nabavke za radove broj: 1417-1-3-10/19 od 24.07.2019. godine, Ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „Sanacija klizišta na regionalnoj cesti R465 dionica Zavidovići-Maglaj lokalitet Ulišnjak” broj: 1417-1-3-10/19 od 24.07.2019. godine, ponuda ponuđača “Porobić” d.o.o Zavidovići (broj: 22-08-01/19 od 22.08.2019. godine) sa ukupno ponuđenom cijenom od 191.944,00 KM bez PDV-a izabrana je kao najpovoljnija.

II

Ponuđač “Porobić” d.o.o Zavidovići (ID broj: 4218228760005), adresa Radnička bb, Zavidovići, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će ugovor sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obaviješteni o izboru najpovoljnije ponude.

III

Ponude ponuđača “MGV Gradnja” Zavidovići, zatim grupe ponuđača “Tans putevi” d.o.o. Doboj Jug i “Špic beton” d.o.o. Zenica, te ponuđača “Hajdić” d.o.o. Maglaj se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuju jer nisu potpune i ne ispunjavaju zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12-27-11333/19 od 12.07.2019. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-10-3-9/19 objavljeno je na Portalu javnih nabavki 24.07.2019. godine.

Komisija za javne nabavke imenovana rješenjem broj: 12-27-11333-2/19 od 21.08.2019. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda pristiglo je ukupno 6 (šest) ponuda.

U periodu od 22.08.2019. godine do 03.09.2019. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila sljedeće:

Ponuda ponuđača "MGV GRADNJA" d.o.o. Zavidovići nije u skladu sa tačkom 15.1. tenderske dokumentacije. Prema navedenoj tački navedeno je da se „*Pri pripremi ponude ponuđač mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.*“ Pregledom ponude ponuđača „MGV gradnja“ d.o.o. Zavidovići Komisija je utvrdila da je prilog V ponude (Izjava o ispunjenosti uslova iz člana 51. Tačka b) (Tehnička i profesionalna sposobnost u postupku nabavke radova) Zakona o javnim nabavkama (Službeni glasnik BiH broj 39/14) izmjenjen tako što je u dijelu priloga umjesto sljedećeg teksta:

*„Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo utvrđeno Kaznenim zakonima u BiH, te da davanje netačnih podataka u dokumentima kojima se dokazuje **tehnička i profesionalna sposobnost** iz članova od 48. do 51. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.“*

napisan sljedeći tekst:

*„Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje **ekonomska i finansijska sposobnost** iz člana 47. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.“*

Imajući u vidu navedeno, kao i odredbe člana 68. Zakona o javnim nabavkama BiH („Službeni glasnik BiH“ broj: 39/14), ponuda ponuđača „MGV gradnja“ d.o.o. Zavidovići se odbacuje, jer nije u skladu sa uslovima iz tenderske dokumentacije.

Ponuda Grupe ponuđača "TANS PUTEVI" d.o.o. Doboj Jug i "ŠPIC BETON" d.o.o. Zenica se odbacuje jer ponuda ne ispunjava uslove propisane tačkom 17.3. Tenderske dokumentacije. Naime, svi listovi ponude nisu parafirani ili potpisani od strane lica koje je ovlašteno da zastupa ponuđača.

Također, na stranici 6 (šest) ponude vršena je ispravka jedinične cijene korektorom, tako da prvobitno upisana cijena nije vidljiva, potvrđena potpisom ponuđača i sa datumom izvršene ispravke, što nije u skladu sa tačkom 15.6. tenderske dokumentacij. Ista nepravilnost je i na stranici 7 (sedam) ponude gdje su ponuđači brisali ukupnu vrijednost (bez PDV-a) za stavku 4- Tvornička izrada, transport i montaža čelične konstrukcije sa svim vezama i ukrutama i upisali vrijednost u iznosu od 12.133,92 KM.

Imajući u vidu navedeno, kao i odredbe člana 68. Zakona o javnim nabavkama BiH („Službeni glasnik BiH“ broj: 39/14), ponuda Grupe ponuđača „TANS PUTEVI“ d.o.o. Doboj Jug i „ŠPIC BETON“ d.o.o. Zenica se isključuje iz kvalifikacije, jer ne ispunjava uslove iz tenderske dokumentacije.

Ponuda ponuđača "HAJDIĆ" d.o.o. Maglaj se odbacuje jer Obrazac za cijenu ponude – radovi, Prilog II tenderske dokumentacije nije tačno ispunjen. Uvidom u ponudu navedenog ponuđača, Komisija je konstatovala da isti nije pravilno popunjen iz razloga jer je ponuđač na mjestu iskazivanja popusta upisao iznos 33.100,16 što predstavlja vrijednost PDV-a. Također, je na mjestu "Sveukupno bez PDV-a" upisao iznos 227.807,00 što predstavlja ukupnu cijenu sa nepredviđenim radovima i PDV-om. To je u suprotnosti sa napomenom datom na obrascu za cijenu ponude na kojem je propisano da se cijena ponude iskazuje bez PDV-a.

Obzirom na pogrešno popunjen Obrazac za cijenu ponude, došlo je i do odstupanja i grešaka i u Izjavi ponuđača iz Obrasca za ponudu - radovi, jer su korišteni netačni iznosi, što je neprihvatljivo obzirom da se radi o neusaglašenosti u dijelu koji se odnosi na cijenu ponude.

Dalje, na stranici broj 3 (tri) datum ponude upisan je 22.09.2019.godine.

Zbog svega navedenog ponuda ponuđača "HAJDIĆ" d.o.o. Maglaj se u skladu sa članom 68. Zakona o javnim nabavkama ("Službeni glasnik BiH, broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponude ponuđača „Dobojputevi” d.d. Doboj Jug, “Porobić” d.o.o. Zavidovići i “Geo-put” d.o.o. Maglaj ispunjavaju postavljene uslove, te je za 05.09.2019. godine zakazano provođenje e-aukcije, sa početkom u 14:00 sati. E-aukcija je uspješno okončana te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

R/br	Ponuđač	Ukupna cijena ponude bez PDV-a nakon sprovedene e-aukcije:
1.	“POROBIĆ” d.o.o. Zavidovići	191.944,00 KM
2.	“DOBOJPUTEVI” d.d. Doboj Jug	192.136,92 KM
3.	“GEO-PUT” d.o.o. Maglaj	232.559,49 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača “Porobić” d.o.o. Zavidovići. Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli Ugovor za „Sanaciju klizišta na regionalnoj cesti R465 dionica Zavidovići-Maglaj lokalitet Ulišnjak”. Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda
- Izvještaj o toku i završetku e-aukcije
- Saglasnost za ispravku računске greške

Dostavljeno:

1 x Ponuđačima,
1 x a/a

